

EPVLVM NATALITIVM
D I E
VIRGINIS DEIPARAE
N A T A L I

Triplici Laudatione

*Latine, ac Grace, Oratoriè, atque Poeticè
exhibebant*

LAVRENTIVS CAMERATA ANCONIT.^{VS}
PLINIVS PONGA NOVOCOMENSIS.
CAROLVS ODDVS PERVSINVS.

Sem. Rom. Conuict.



BIBLIOTHECA NAZ.
ROMA
MUSEO EMANUELE

+

ROMAE, Ex Typographia Francisci Corbelletti.
MDCXXXII.
SVPERIORVM PERMISSV.

Imprimatur : si videbitur Reuerendis. P. Magistro Sacri Palatij
Apostolici.

A. Torniellus Vicefg.

Imprimatur, Fr: Antoninus Cellius Magister, & Socius Reuerendis.
P. F. Nicolai Riccardij Sac. Palatij Apostolici Mag. Ord. Præd.

A

A LA



ratus ep
mum pr
quoque
Et m
quippe
in Cœ
uimus,
gustu n
Veri
pes cel
ginem
linis M
copia
bant :
turba
ouo ac
eas no
nitur i
quara

A P P A R A T V S
E P V L I
O R A T I O
H A B I T A

A LAVRENTIO CAMERATA ANCONIT.



ATALI Virginis Magnæ die, dare vestris animis epulum ea re natalitium nostri Sodales volunt. Et quoniam satis intelligunt Conuiuas esse vos (N N.) nectare, ambrosiaque dignissimos; veluti Deorum conuiuia celebraturi lætisternijs veterum nobiliora, Epulones hanc in rem prisco more creauerunt tres: atque ita partiti sunt munera, vt mihi homini imparatissimo appa-

ratus epuli totius aduenerit: alteri administratio epularû: tertius demum procurationem cantus, & symphonix suscepit, æmulatus hinc quoque gratiam antiquorum cõdientiû epulas richmo, & harmonia.

Et mihi quidem insulsè admodum epularis hæc lautitia cecidit, quippe qui humi stratus ingenio, nihil, nisi terra natum parare possim in Coenam plane terrestrem: cum tamen & Virgo, cuius gloriæ cõuiuimus, & Auditores, quorum gratiæ conuiuamur, diuino quodã animi gustu nõ nisi cœlestia cõcupiscât, digni fiderû thoris, atque triclinijs.

Verum in Terris etiam nescio quæ ficta Solis mensa apud Aethiopes celeberrima olim fuit, quæ nunc fortasse fuerit ad nostræ imaginem veritatis. Aprica siquidem, ac vasta in regione sapientes Apollinis Mystæ tora nocte, clam populo, cum mensam immersam miracopia, & varietate ciborum extruxissent, ante lucem taciti recedebant: tum Sole primùm exorto ingens eò Ciuium, hospitumque turba confluere, spectare, discumbere, carpere, cædere, libare, ab ovo ad mala sacras abligurire per summam religionem epulas, quòd eas non humano artificio paratas, sed Solis nascentis beneficio diuinitus è Cælo exhibitas putarent, stolidi magis credulitate saturi, quam adipali satietate felices. Sed quod illi nocturnis fraudibus ter-

ipsum elucubrauerunt epulum, simulata perlona Solis; id nunc sub
Auroræ nostræ manifesta natalia, adornamus melius diuino Soli
conuiuio. Etenim ex quo gentis humanæ simul auctor, simul ex-
tinctor Adam, affectata propius Diuinitatis luce infuscauit familiam,
tellus omnis, quasi Aethiopum regio facta, sterile scebat; cum ecce
tibi media inscitæ nocte, & in bonorum omnium publico ieiunio,
non ficta Sapientum opera extruitur Solis mensa mortalibus, sed
mortales ipsi Ioachimus, & Anna ope Numinis, promicondi, men-
sam Principe siderum dignam, Virginem, inquam, hanc, auroram
ipsam pro accubitu venturi iamiam Solis insternunt, & cumulant. in
quo etiam attrigerunt nonnihil sapientium veterum disciplinam.

Etenim Physicorum aliqui, & optimè notæ philosophi censuerunt
Cælum terrestribus pabulis enutrir: quasi æterna siderum soboles
uiuere de fluxu debuerit, & supremi illi Mundi magistratus sustentari
cibarijs miserorum. Sed cum super astrorum victu discrepant
multi, in Solis tamen alimento conuenerunt omnes. Veriti siqui-
dem, ne Soli molestum esset cibum comminuere, ac molere dentibus,
emollitum ei nutrimentum, potione veluti extillata, Oceanum, in-
quam, & maria, quotquot sunt, extenuata prius caloribus in vapores,
pro diurno dederunt. Quòd igitur æterno Soli Christo verum datura
sit nostræ mortalitatis alimentum stillantibus papillis hæc Virgo, me-
rito mare magnum, quo bonorū omniū infera ac supera flumina cō-
fluerent, esse debuit: quin etiam & maria ipso nomine præferre.

Sed hæc orituro Soli mensa sit structore Deo: numquid & nobis
ex tam fecundo, placidoque mari piscari licebit aliquid lautitiarum
in epulum? Profectò si aquaticis vesci animantibus opiparæ magni-
ficentiæ loco duceremus, irideret nos furia illa conuiualis famosa
Cleopatra, quæ nō Mugilem, aut Murænam, nō Silurum, aut Thynnū
adornabat in cibum ex aquis, sed pretiosum Oceani portentum, gem-
mam illam, vnicum opus naturæ, artificiosi cuiusdam Aceti asperitate
labefactans, vno profano poculo gemmei liquoris, Pontificias omnes
Romanorū cœnas dānatas, Latino etiā Iudice, vt minores, absorbit.

Exinde barbarum istum morem vexandi pro ventre præstantissi-
mam quamque naturam, sicut & cetera monstra consuetudinum ex-
ternarum, Romana Ciuitate donauit malè caligatus Caligula, non
sine suffragio infimi Ordinis, ne dicā Equestris, & Senatorij. Clodius
enim Acfopi cuiusdam Tragædi filius vniones maximi pretij mira-
te maceratos singulis Conuiuis, ouorum sorbilibus loco, diglu-
tiendos

tiendos dabat, pluris æstimans palati gloriam, quàm voluptatem.

Sed nostri maris in alueo, nostræ, inquam, Virginis in pectore, non gemmæ solum, quibus cælestis Hierusalē exædificāda dicitur, flagrant dilucidius; sed æternum Verbum, vnionem illum extra humanarum opum pretia, supra fortunas Angelicas pretiosum: illum vnionem, quo in vnum veluti concordia annulū Cæli suprema, terrarumq. infima colligantur, margaritam illam sinu diuini Patris, immenso beatitatis Oceano prognatam, Concha hæc materno conceptu profundet etiam in lucem mortalium: & quod admirare magis, ac magis, Virgo hæc vna eadem Numen illud idem, veteres ob inimicitias nobis peracerbum, & prisca poenarum seueritate durum, non vt gemmam suam. Cleopatra aceti alicuius asperitate colliquefaciet, sed suauissimo demissionis, ac modestiæ suæ melle soluet in amores humani generis, eo vsque, vt rerum omnium pretium, & vita Deus, verum fiat nobis tandem in potu, ac cibo vitæ alimentum, ac pretium.

Et quàmuis noster hic vnus gemmæ paratus in Virgine ad Cleopatram similitudinem expositus satis per se Mundū explere valeat vniuersum; tamen nescio quo pacto Aegyptiæ Regine luxum epularem supergressa fertur munificentia Regum Persarum. quorum ille vnus celebratur à Græcis basilicè, qui Themistoclem exulem Atheniensem excepturus, non gemmatos haustus, vt Cleopatra, non auratas epulas, vt Caligula, sed vicos, & Vrbes, regiones, ac prouincias exorbendas obtulit. interrogatus enim à domesticæ rei Præfecto, quam cœnam hospiti priuato daret? respondisse fertur, trado illi pro pane primario totam Magnesium (regio erat ab optimo frumento copiosa): tum vero in vinum Themistocli attribuo Lampsacum (prouincia fuit felicibus vinetis celeberrima): mox in obsonia largior hospiti nostro Myntem (Urbem intelligebat multiplici cupediarum foro percelebrem): denique pro tapetibus cœnatorijs, & vnguentis, Percopen, emporium operibus vestiarijs, & vnguentarijs inclytum, dono do.

Hunc in modum supra Romanos, & Græcos, liberalis Barbarus priuato ciui non greges, aut armenta, sed Vrbes, ac prouincias, & pene regna dapinabat. Orcum, opinor, Themistocles potuisset adducere pro vmbra, & Parasito.

Sed quid hic ego simile afferre possim in rem nostram, non video. neque enim aut Attalus in Asia sum, aut Cræsus in Lydia, aut Romæ Crassus. Persicos odi cum Vate Lyrico apparatus. Quanquam non diffidendum omnino est in tantis opibus huius Augusti, quæ nascitur:

nam si mentem bonarum cogitationum epulis saturare velimus, non defunt agri, non vinee, non regiones, non stagna, non Vrbes. de censu erotico Salomonis petenda sunt.

Hec etenim vna Virgo nonne decore suo, & Libani Turrim exhibet, & Urbem Hierusalem, & castrorum acies ordinatas? inspicite amicę caput. tempora illa Tempe sunt, non Thessala, sed Libanotica, sed Carmelitica. dabit hortum conclusum, si pectus ostenderit. Vultis instratum lectum tapetibus? ecce ferculum Salomonis, cuius columnas fixit argenteas candor virgineus: cuius sedem Amor ipse iaculorum textura fecit auream: gradibus fulget purpureis; credo, quia martyrio sanguinat intestino. Sed fortasse piscatu magis oblectamini: oculos mergite in eius oculos: sunt piscinę in Hesebon. Vnguenta, opinor, expetitis. ducet illa nos in montem myrrhe, in collem thuris, in alpes aromatum: immo vero conuiuas suos in Paradisum emittet, euocabit in Cælum ad epulas beatorum, concinentibus passim Amoribus, Emissiones tuę Paradisus.

Quę profecto emissio in sublime reuocat animum ad memoriam cuiusdam nescioquã elegantis festiuitatis, cuius auctor, infestus omnibus bonis Antoninus fuit, prodigiosa illa eluuio adolescentiæ voluptarię. hic enim inter alios lusus, quibus nouo semper cœnarũ commento commessoribus illudebat suis, lectos aliquando in modum solilium excogitauit: vtres vento plenos velamenti sericis occultatos internebat, eo aptos artificio exiliũ spiramentorum, vt comedentium accessu paulatim grauati, lento reflatu sensim sine sensu detumescerent, donec conuiuas infra mensam ad terram vsque dmitterent. tunc immotus super mensam Cęsar mirari descensum: ridere, quod more canum sub mensa positi nihil roderent: subirasci, quod parem cum Cęsare accubitum dedignarentur: tum inquirere, quo tandem pergere sine motu vellent? an sub terras etiam apud Inferos cœnaturi?

Factum lepidum, dictum facetum, sed mimicę potius, quàm regię. Regina hec superarum rerum, atque cælestium, apparatu plane contrario, non follibus ignarijs descensum parat, sed impulsu aque salientis in vitam æternam ascensum Conuictoribus suis gradatim instituit, et exorsi primas hic mensas in Terris gustatione virtutis; cœnę dein e caput in Cæo ad sinum ipsum Diuinitatis potiamur, exhibitum. Ob eius filio Rege symposij, iuxta veteris effatum Oraculi. Consedere nos fecit in cælestibus.



dederi
in om
Regn
At
veter
Persa
bus.
lior d
prim
duxer
sunt.
arbor
cumqu
mentes
si oua
vna hæ
nique

7

ADMINISTRATIO

EPVLARVM

ORATIO

Græcè habita

A PLINIO PONGA NOVOCOMENSI
& Latinè sic reddita.



VM mecum ipse delibero, quo ferculorum ordine committam hanc cœnam, talos accipite vos more veterum ad conuiuij magisterium; vt qui basilicum iecerit, inuocata Magna Matre, Pater sit symposij. & quoniam iactus omnium felicissimus est, qui quatuor talis, omnibus inæqualibus, cadit; credo, quisquis quatuor illas virtutes præcipuas, inter se specie dispares, in actum dederit, cœnæ Rex renunciabitur. Sed fallimur: sortita iam regnum in omnes è Cælo est Heroïna, quæ nascitur. video coronam, inligne Regni, capiti eius impositam è stellis plexam.

At perplexus animi adhuc sum super exordio gustationis. Scio veteres Græcos ante cœnam exorditos interdum à melle, à nasturtio Persas antiquos, Latinos à lactucis, alijsque hortensibus vellicantibus. Scio cunctas ferè gentes ab ouo auspicari conuiuia. sed mollior dulcedo mellis corruptela stomachi, cupiditatem cibi impetu primo frangeret: nasturtium seueritatem generat: reliqua vulgaria duxerim. Quod si hæc etiam accepta, & grata fuerint, in promptu sunt. nimirum prima nunc aurora est nascente Virgine: non tam arborum folia, quàm orbium sidera melle roscida inueniuntur. quicumque hoc matutino, sub dio spatari voluerit, vnctas gratiæ liquore mentes sentiet, & cogitationes cœlesti voluptate concretas. Tum si oua nasturtio mixta aduersus istum serpentum feliciter exhibentur; vna hæc infantula plena nectaris antiquum anguem disrumpet. Denique & lactucis vesci hic etiam licebit agrestibus, nam Phase cum

hac Virgine semper habes . quæuis hora apud illam exacta , dies festus est .

Nunc velitis , & iubeatis , quo lautitiarum genere , & cœnæ caput & secundas mensas refertas afferamus ? Ritus fortasse arridet Imperatoris Getæ , qui per literarum notas , eduliorum classes digesserat . suspensam quippe non procul a triclinio tabellam alphabeticam habuit literis prægrandibus ordine dispositis inscriptam eo pacto , & conuento cum seruis , vt cum virgula quadam argentea designasset literam aliquam , statim cibi , quorum nomen ab ea litera initium ducerent , inferrentur . atque adeo si quintamdecimam literam fortè notauisset , ecce tibi pruna , pisa , pastinacas , & pepones , pipiones , perdices , palumbes , pauones , pernas , & pisces , papauere , pulegio , porro , pipere conditos abecedarij serui proferebant , vna persæpè litera magnam conficientes periodum epularem ; vt nescio quis Musca Cæsaris diceret , sine ea literatura nihil sapere sapientiam , & pro vna Cæsaris litera dare se Varronis Grammaticam vniuersam . Sed si Sapientiæ veræ mensam elementaria ratione disponere vellemus , & nos per extremas literas ab Alcyone pacem animis afferente , vna cum Agno depellente seruitutem Aegyptiam , per omnes alias delicias salutare , ad Vitulum vsque saginatum dape multiplici ministraremus : quo prodiga , ac perdita parentis Adami stirps ad stolam primam reuocata per Virginem , epulari cum cælesti Patre iam potest .

Quid autem ? tot inter epulas sicci recedemus ? puella hæc eadem vinea Engaddica est . merum amoris expressit , Salute , & Consilio Consulibus . Hoc puro , puto primùm epoto Deus ipse ebrius fieri visus est ? certe secreta animi apud se retinere non potest : Emissio enim mox in Virginem Verbo potissima quæque diuinæ mentis arcana mortalibus reſerabit . Dixi .



S Y M P H O N I A C I

A D

EPVLVM NATALITIVM.

CARMEN EROPARTHENICVM

HABITVM

A CAROLO ODDO PERVSINO.



CINGITE nunc ferto crinem: miscete, Sodales,
Pocula carminibus. dū curas neſtare Amoris
Diluimus, toto melos eſt Helicone liquandū.
Sed fruſtra hac moueo: totis mihi ab uſque
medullis

Ebrius eſt animus, nata nūc Virgine victus,
Et non victa ſitis. quamquam ipſa obliuia
noſtri

Muneris, hoc Helena biberam in cratere pudica.

Nimirum ſymphoniacis dare iura, moſosque,

Ius mihi ſolenne eſt, atque hac curatio cura.

Sed cantum, & cytharas animo dimouerat omnes

Sympoſiarcus Amor, qui cunas inter adultus

Virgine ab infanti, ſauit, triſtique medullas

Curarum obſeſſu blandiſſimus occupat hoſtis.

Scilicet hoc ipſum peragis numeris que modiſque:

Nam corde inſtituit noſtro ſaliare theatrum.

Secum habet & Thymelem, Melopæos, & Melicertas,

Et pbæretra ad ſonitum ducit per viſcera ſaltus.

Pſalteria letitia eſt: tum ſambuciſtria mentis.

Viuida ſpes implet feſtiuo gaudia voto,

Ludit & exultim, modulis ceu tibia lydis:

Sed dolor beu partes agit inter damna ſecundas

Lege Phrygum maſſa: lacrymis hydraulia noſtris

Temperat, & gemitus pariter modulatur, & iras.

Sic Amor odaum toto mihi pectore fudit.

A 5 Verum

Verum ego non sinus, magis & preposterus illo,
Cantum Conuiuiis nulla qui voce propino,
Et saltum nullis pedibus per somnia vibro.

Ergo agite, ò Melici: nunc assa voce carendum,
Nunc melos organicon variata lege rotandum.
Lemua dabo, numerisque nomen: conuertite mentem,
Nam tota ex arte excutiam genus omne canorum.
At nos, Coniuiæ, interea per singula cantus
Interualla, nouo pateras libemus in auro,
Et totidem votis Dominam appellemus amantes:
Quinque super calices Virgo hac mihi tota bibatur.

MARIA Litera quina sacri texturam nominis intrat:
Sic decet infanti genialiter indere nomen.

Audi ergo liquida sinuator vocis acutus,
Quæ puer intonsa quondam ceruice decorus
Mutata in plectrum cecinist pastoride funda
Excutiens furias, monstra intestina, Saulis.
Concine: do carmen: numeros cum carmine reddes.

„ Ite procul curæ, tristes procul ite furores:
„ Virgo lyra est; superis pacem modulata theatris
„ Personat: ad sonitum capitales dissecat angues
„ Eumenidum, fatis exoluens tristibus orbem.
„ Ite procul curæ, tristes procul ite furores.
Hoc bene. nunc præstat Dominam implorare: bibendum est
Scilicet à cantu. Magnum cratera Noëmi
(Prouoco vos) libate alacres: sic prima beatum
Litera pertextat nomen. Pater ille meracis
Nectaris, ut primum Bacchæo sanguine venas
Perfudit, mens ipsa madet, iam crura vacillant,
Muneribus cadit inde suis magna ebrius aula.
Sic Deus ambrosia fundator Virginis, illa
Incaluit madidus, Terræ se acclinat, amore
Stansque, labantque pedes: credo, procumbet humi iam.

Erige sed temet cantus pincerna secundi,
Funde triumphales imo de pectore plausus.
Qualis Erythrao Moses in lictore victor
Intonus, cum sceptrâ fugax Aegyptia rupit,

Fissilis

Fissilis
Con
„ Qu
„ Ne
„ Ho
„ Be
„ Qu
„ Be
Sat
Al
Pro
Nil
Ho
Ger
Det
Qui
Vir
Est
Ger
Pro
S
Duc
Con
Ceu
Illu
Scep
Quia
Dicit
Conci
1, Lucij
2, Hesp
1, Lucij
2, Hesp
1, Rore
2, Corda
1, Turtu
2, Alba

Fissilis Oceani redeuntibus hausta procellis.

Concine : do carmen ; numeros, & carmina reddes.

„ *Quàm bene Virgo maris cæpit cum nomine mores !*

„ *Nempe Acherontis Pharaonis longa Tyrannis*

„ *Hoc absorpta mari est. vix nata impugnat Auernum.*

„ *Bellat, io, debellat, io, io, plaussit Olympus.*

„ *Quid si illa aggreditur Superos ? cadet æthere Numen.*

„ *Bellat, io, debellat, io, io, plaudite Terra.*

A

Sat bene : nunc sacrum committat litera nomen

Altera : caelestem dominam inter vina vocemus.

Prouoco vos patera, qua rerum euenta notabat

Niliadum Princeps procerum diuinus Ioseph.

Gen. 44

Hoc olim cyatho veteres leuat ille dolores,

Germanumque sibi materna è stirpe minorem

Detinet : hinc reliquis pacem, veniamque propinat.

Quid non vaticiner longè felicior augur

Virgine in hac una ? crater tornatilis illi

Cant.

Est sinus : hoc veteres Cali in nos diluct iras,

Germanumque Deum nobis, & Patre minorem

Proferet : hinc Orbi pacem, veniamque parabit.

Sed bellum, & dulces alterno carmine rixas.

Ducas amœbæum : bini vocalibus auris

Contendant proceres, lyrica par nobile gentis.

Ceu quondam Salomon (postis cum rure thiaris

Cant.

Illum pro trabea cinxit pastoris pellis,

Sceptraque sefferunt baculo siluestris oliuæ.

Quid non cogis amor !) toto armentarius agro

Dicitur alternis cecinisse in drammate amores.

Cant.

Concine : do carmen : numeros attexat uterque.

2. 5. 6.

1, „ *Lucifer exoritur : tellus caput extulit umbris.*

2, „ *Hesperus exoritur : oculos exprompsit Olympus.*

1, „ *Lucifer illa mihi est : sensus exuscitat omnes.*

2, „ *Hesperus illa mihi est : omnem fert una quietem.*

1, „ *Rore caput madeo : Cali est hic fletus amantis.*

2, „ *Corda calent igni : Cali est hoc fulmen amantis.*

1, „ *Turturis auditur sonitus : volat æthere compar.*

2, „ *Alba columba gemit : compar properabit in antrum.*

- 1,, *Diua mihi est fluuius : dabit inter sidera portum .*
 2,, *Diua mihi est pelagus : nullum hic optauero portum .*
Hoc satis . at fuerit satius concludere potu
Carme amœbaum : Dominam appellare necesse est ,
Tertia ut intexat memorandum litera nomen .

R
Canto
s. 3.

Prouoco vos concha , quam Sunamitis odora
Myrrham ex areola carpens expleuit optimis
Vnguentis : cum lacte merum dedit illa perenne ,
Punica permiscens malorum viscera melli .
Mel , mea Diua , meum est , & olet mihi cinnama supra +
Punica mala pudor vultu dispergit in albo :
Hac me myrrha iuuat , pra qua mihi nectar amarum est .
Lac bibis illa , meum sed cor lactatur ab illa .

1. Reg.
18.

Nunc age quisquis amas infundere lactea in aures
Pabula , concentum liquidis molire labellis .
Dauidem ut quondam puerum cecinere puellæ
Isacidum . heu quantum tremuit Terebinthica tellus
Marte Philistensî : Calo iam iam timet Atlas ,
Fronte gygantea sic verberat astra Goliath .
Pastor adest : fundam intorsit : telum esse Tonantis
Dixeris : euerfa fregit Babilone gygantem .
Sic frontem exquassat , sonitumque in fronte cadentis ,
Sanguineumque ciet nimbum saxatile fuimen .
Concine : do carmen : numeros cum sanore reddes .
„Heu quantum intremuit stygio data prada gyganti
„Mens hominum ! dolor heu cordis radicibus hæsît :
„Sed liquido auspicio primi sub luminis oras
„Virgo exit : materni uteri subtegmine texta
„Hac funda est : Christusque silex in Virgine , fundam
„Armabis : video toto iam Dite ruinas .

Iudithæ
12.

I
Hoc rectè . Dominam sed compellemus . amicum
Litera iam nomen percurrit quarta . bibamus .
Prouoco vos gemma , qua mensa admota profana
Cum Syrijs castrense merum Iuditha bibebat .
Ille quidem iacuit male torporatus in ostro ,
Et Martis phaleras , & martia membra supinus .
Sobria de semeto contrâ hac in pralia surgit ,

Et centum clades ceruice reponit in vna .
Cladibus heu quantis damnata stirpe iacebant
Pectora terrigenum votis constricta supinis !
Spes mihi sancta redit , redeunt in pectore vires ,
Ex quo plena vibrat caelesti hac nectare gemma ,
Nam scelerum Iliades , & millia monstra malorum
Virginis hoc vno reparauit Gratia dono .

Plurima sed pleno resonet mihi gloria plausu .
Hoc agite , o melici , numeris hac meta supremis .
Regius ut psalter bellis confectus , & annis
Fastidice David testudinis ossa canora
Mulcebat dextra , qua fregerat ora Gygantis .
Mille rotabantur pueri , innuptaque puella
Et chordis , & voce , manu , flatuque loquaces .
Sic bellatoris cedrinum Augustale Tonantis
Laudibus euectum pacata in tecta vocabant .
Dicite : do carmen : cum carmine reddite cantum .
„Huc age de Superis , superum Regnator ad arma .
„Iam solium castrense tibi se se optima Virgo
„Maternis extructa operis ad bella parauit .
„Illa sagum tibi virgineo subtegmine texet .
„Huc age de superis superum Regnator ad arma .

Hoc satis . vna manet nostra imploratio Diue .
Litera ut inceptum nomen postrema coronet .
Prouoco vos inter sexcentum pocula Diuum ,
Quae Veri matrona potens Sapiencia promit .
Ecce thorum extruxit : mytras deponet auisas .
Siamine ut humano textum mantile recincta
Insternat mensas , & vinum misceat ipsa .

Plura quid hic referam ? non fert hic plura vacillans
Carmen ab hoc semeto : titubant mihi lumina rerum
Augentur numeri : duplicant iam pocula visum .
Naturas nam cerno duas : vir eris tamen vnus
Virginis è partu . Deus hic , & Homo hic : duo certè :
Imò vnus Gnatus . sic verum cernere cogit
Virgo : merum est . iuuat omnem hic mergere sensum .
Durius es cerebro quisquis non ebrius hies :

A

PROL. 9

Tam

*Tam secum, mibi crede, caput dementia vertet .
 At vos, qui totam hausistis cum nomine Diuam,
 Soluite iam ferto crines, iam lampada dextris
 Sumite : Conuiuas, Socij, comitemur cunctes .*

Carmina notulis præsignata cantu repe-
 tebantur à Choro .



IN

VIE

C A F

D

Omnes.

1. Virid. V

1. Pom. V

Daph. V

Amynt. V

Per

Ha

Ge

IN NATALI
VIRGINIS DEIPARAE
DIE

CARMEN EROPARTHENICVM

Metris confusaneis ad Harmoniam.

MELOS PRIMVM

Daphnis & Viridarij, Amyntas & Pomarij.

Omnes.



IDIMVS ò qualem ! manet alto pectore
fixum

Numen adhuc, tantum Virgo sapit illa
Tonantis.

Hinc magnos animi sensus, formamque
loquendi

Duximus illustrem, Pindi melioris ad
undas.

1. Virid. Vidi ego formosam, visuque exterritus illo,
O me inuenustum, & sordidum,
Extemplo dixi; pudor est fœdassee tot annos.

2. Pom. Vidi ego sopitam; somnoque excussus ab omni
Dulces in furias dedi
Lymphatum genium: furor est, sed sanus: amaui.

Daph. Vidi ego ridentem: Soles rediere sereni.
Exiliunt teneri labro spirante susurri,
Sacri fragrantis oris etbesse
Aeterni Veris comites, quibus omnis in astra
Spes mihi velificat: tutum est iam fidere ventis.

Amynt. Vidi ego lugentem: Stella cum Sole cadebant
Perspicuo in nymbo. sic. pacis nascitur Iris.
Hæc pluuia facundus ager iam vernat Amoris,
Germinat è nostris & spes, & vota medullis

- Primæque virginea donat suspiria vita.
 Virid. Imò putris sterilefcet Amor, ni dona feramus.
 Pom. Cor dedimus: donata satis Virgo est: amor ipse supremum
 Munus erit.
 Virid. Sed verba damus, nisi munera demus.
 Daph. Nullus avarus amat: donis metimur amores.
 Amynt. Fautor obsequij per verba tenuis
 Color est pecti nudus amoris,
 Non calor animi verè loquentis.
 Daph. Prodigus eloquio si re non iuuit amicum,
 Non habet in fibris, in labris gestat amorem.
 Amynt. Parcus opum genius si se tibi iactet amantem,
 Periurum credas. amor est profusio cordis,
 Cuncta secernis medullis, præter id quod deperis.
 Quid tenere possit ille, sponte qui se prodigit?
 Daph. Credo, vides quantum accepit Deus ipse profundi
 Amare cum nos caput orta in Virgine.
 Ni fallor, censum hic omnem diffundet Olympi.
 Amy.& Procul hinc ergo, procul hinc abeat
 Daph. Extra fines exul, amandi
 Pectus avarum.
 Pen. Sed census tenuis donis absterret agrestes
 Monticolas, & syluicolas siccosque leuesque,
 Aere fuluo deflitos, & breues marsupio.
 Virid. Ut velimus dona ferre, ferret hoc penuria?
 Pom. Hac reclaims voto amantum; nec puella est indigens.
 Daph. Floribus affluimus:
 Amynt. Censu Pomona redundat.
 Da. Am. His eget illa etiam; namque amat illa etiam:
 Daph. Nempe in Amoris
 Sacro deliquio fulciri floribus optas.
 Amynt. Optas Hipari malis in syncope Amoris.
 Vir. Po. Hoc belle est. Virid. dabimus nos Viridarj
 Affatim flores virentes. Pomar. Poma nos Pomarj.
 Virid. Fallimur. heu præceptum florum fortuna recessit,
 Ver abiit. frustra Zephirum accusemus inerte.
 Daph. Imo Aprilis est apertus, Diua ocellos exsulit,

Pom.

Amynt.

Da. Am.

Virid.

Pom.

Omnes

Daph.

Can. 2.

- Diua respirat : reflauit dulcè mordens aurula .*
 Pom. *Fallimur . heu campos decoxit sydus biulcum ,*
Arbuteasque animas in mortem siccior æstas
Autumno spectante dedit . quid gignat in hortis
Pomona funesta domus ? sua funera desset .
 Amynt. *Imo rore stillat æther ; lacrymata est pupula .*
Nec quiescit aura : curas ventilat suspirijs ,
Nempe ab ista cordis aura , rore ab isto luminum ,
Gratiaque , gloriaque mira sis prægnatio .
 Da. Am. *Quin magno excrescet fructu sætura bonorum ,*
Tota nam Virgo tenetur Sole : plenilunium est .
 Virid. *Ergo eamus , & corollas machinemur floribus :*
Virginis in facie sumpsimus auspicium .
Vultus ille fausta nobis nunciat Floralia .
 Pom. *Nos quas illos oppleamus messe fructuaria .*
Virginis è gremio sumpsimus auspicium :
Pectus illud fausta nobis spondet Autumnalia .
 Omnes. *Vultus ille festa Cali continet Floralia .*
Pectus illud festa cali condit Autumnalia .

MELOS SECVNDVM.

Daphnis cum Virid. , Amyntas cum Pomar.

Daph.



TE vos pratorum amantes , ite odo-
rum & aucupes ,
Intimos ite in recessus fatuosa Cloridis ,
Cloridis satus & omnes messe larga ex-
cerpite ,
Multiformes ferte syluas ungue molli
caduas .

Inde nos florū architecti moliemur Virgini
Plectiles herbis coronas , floribusque pæctiles .
Diua postulat corollam ; sponsa , credo , est Numinis ;
Numinis conuiua certe est , iam coronam flagitat :
Ite citi ; interea
Hic ad umbram ego parabolenta in vnam vimina ,

Apta vincla faderandis in coronam floribus;

Vincla nam mihi tetendit Diua, cordis vinculum,

Diua, qua semet Tonanti concatenat artibus.

Amynt: *Quid moramur? ite amantes grandiorum stirpium:*

Quotquot Pomona praelara stirpe creantur

Poma ferte sponte nata, nata vel connubio,

Quaque forma, quaque odore, qua colore praritent.

Diua fraudis omnis expers, gaudet à spontaneis,

Imo gaudet illa natis fructuoso ex insitu.

Auguror hoc etenim; voto subsignet Olympus.

Diuinitatis surculum propagini

Inseret humana stirps hac non seclilis vlli.

Ite citi: interea

Vimine nudato lucentem hic texo quasillum

Conuebendo fructui:

Nempe & illa erit quasillum conuebendo Numini.

Daph. *CELSVLE flos iuuenum, perge hinc tu primus in hortos,*

Liliumque carpe, florum principem excelssimum.

Rectus, & enodis radioa fronte coruscat

Flora superba fastus amabilis:

Regale sceptrum, Veris in regno, putes.

O esset hic flos, aureus;

Sol esset inter sydera

Hortensis astra: argenteo

Candore Luna est; sed tamen prato creat

Diem serenum: collige, collige:

Aurora surgit, lilys

Farcta sinum, mea Diua, inquam, formosior illis.

Iuno fertur lacte nostrum candidasse lilium,

Dum galaxie supernum liliectum conderet,

Rore papilla.

Fabula est mendacis aui. Veritatis candida

Saela fundat iam Virago: nempe nupta hac Numinis

Candidatis usque terris sternet in Calum viam,

Flosculum datura nobis liliecto ex atheris.

Ite citi: interea

Hic ad undam flexuosas comparo genistulas

Impli-

*Implicando mox tenella floriferto Virginis.
Sed non illa etiam tenero lentore genista
Celo vincla parat ; nodo adamantino
Iam Tonantis cinxit iras , & ligabit fulmina .*

Amynt. *Protinus A V R I L L E* buc defer centum aurea mala.

*Flore nouo, fatuque nouo, semperque virenti
Arbor fronde nitet, simulacrum nobile Diue
Halitum commendat oris imbuens odoribus, .
Et venenis dissipatis ima cordis recreat.
Sic & os mihi est odorum, de puella dum loquor :
Quicquid illam corde trudit , hoc venenum est noxium ;
Hesperidum quondam ex hortis Tirintius heros
Geryone extincto germen vitale redemit .
Auguror hoc etiam (subscribite sydera voto)
Ditis abactio*

*Multiformi Diua monstro, Calitum è pomarijs
Arborem vitæ reducet germinatu Numinis.*

Ite citi : interea

*Hic ego pomis uebendis texo lentam fiscinam ,
Diua sed non lenta curas mille cordi intexuit .*

Daph. *Perge nunc ROSILLE* perge ; te manet rosarium ,
Vngue leni carpe vernam stirpium Augustam , rosam :

*Ardor est Euri volantis, purpurissa est Cloridis,
Aureo riget capillo , fronte ridet coccina .*

*Pratorum rapies Helenam, caue, pollice tuto,
Bellum instat : spinarum acies ultricibus armis
Vulnera tentabunt , constabit sanguine raptus .*

Non amica sit cruoris ? nata fertur sanguine :

*Caca mater namque Amoris cæcioris credita
Vulnerata , senticosas dum pererrat semitas,
Proximam pedi cruento concolorauit rosam ,
Candidumque ciuem in hortis coccinauit regiè .*

Ite citi : interea

*Cautus hic ego parabo senticeto ex aspero
Molle vinclam fasciandis floribus pungentibus .
Acrius sed Diua pungis (in medullis vulneror) ;
Mox crebro solamine curas*

Missi

- Mitigat, ceu vincla cordi fasciatim colligans .*
Amyñ. *Vade nunc HERMILLE, vade, poma defer punica .*
Cypria roseta dantur : gaudet Hermes punicis :
Fortè quòd natura duplex : mala dicas, an nuces ?
Fortè quod multus latebris contegendis est locus .
Credo fiet & latebra Virgo nostra hac Numinis :
Quidquid est in calo amoris, credo, in illa absconditur .
Punica mala refer, sexcentum cortice in uno
Dona feres, & damna feres serpentibus atris .
Nempè laudes mille, mille gratias congemmeas
Calat uno in corde Pupa multiplex felicitas .
Vipera morsu è trilingui sanor hic : sed unicè
Diua cor mihi momordit, & piget sanarier .
Ite citi : interea .
Virga ego multiplici blandum pertexo quasillum :
Diua sed virgis Amoris me flagellat blandius .
Da. Am. *Vos tamen hic passim consistitis, ibitis omnes ;*
Amyñ. *Cuneta ferte (nam potestis) poma cum Pomarijs .*
Palmarum eariotides caducas
Cum cerasis, chamacerasis, & myxa Damasci
Cetera pruna, pyra, & nucipruna, & persica, mora
Atque auro similes vuas, & coelona lenta,
Ferte coronatis mespila verticibus :
Iuglandesque nuces, & duro viscere corna .
Scrupulosa forte amabis, nucleata optauerit .
Quidquid est in corde amoris, totum in illam enucleo .
Paradisus est Virago :
Extra illam nulla est messis, vindemia nulla,
Extra illam vix ipse ferax autumnus Olympus .
Ite citi : interea
Fruetibus innumeris fscellas vimine texo :
Diua & os mihi capistrat laudis intextu sua .
Daph. *Quicquid affert floris, herba terra pragnans asbere*
Huc asserit crocum, cytisum, colocasia, caltam,
Et molles violas, & languidulos Hyacinthos ;
Sitque odor hic Tymbra ; sitque odor hic casie .
Cum ligustro candicante nigrices vaccinium ,

21

*Variata multo vertice fritillaria
 Pensiles conchas repandat more tintinnabuli,
 Iridem mox discolorem sume tecum basicam
 Qua carinet usque frondes, quæ comas acuminet,
 Summe narcissum comantem præcoccem, ac ferotinum,
 Siue tu montanum amabis, siue calcedonium.
 Filios tepentis auræ (Cloridos familiam)
 Fimbriatos, bracteatos, undulatos, tortiles.
 Paradisus est Virago.*

*Extra illam ver non vernal, nec germinat usquam;
 Si germinat non frondes; & si frondeat,
 Non gemmat, & si gemmat, haud floret tamen;
 Floret? arescet repente, Flora iam defloruit.
 Ite citi: interea
 Floribus innumeris lora hic de vimine texo.
 Captiuis teneris mollia vincla paro.
 Virgo etiam lorum est; arcum subtendit amoris;
 Exilla iaculum sensimus ire Deum.*

M E L O S T E R T I V M.

Viri darij, Pomarij, Daphnis, Amyntas; Menalcas.

Virid.

Daph.



Amynt.

*MONSTRA rerum sunt in hortis.
 Pom. Sunt, & in Pomarijs.
 Antequam Diuæ afferamus munera hæc
 hortensia,
 Explicanda, & expianda sensa Cali hæc
 sensimus.
 Hinc adeo te consulimus diuine Menalca
 Cui nemus argutū lordanis, diuaq; magni*

Dauidis chelys, & Salomonis sistræ loquuntur.

*Daph. Tu causas Pastorum audis, tu carmina Vatum
 Prisca tenes, genio, ac studio gratissimus astris.*

*Menal. Laudibus affluitis. modica hæc in pectore virtus
 Non opis est tanta: tamen aduenisse bonum sit:
 Nec deero fatis, nisi votis desit Olympus.*

I. Virid.

1. Virid. *Liliorum grandem aceruum bellè in vnum adegeram
Inter lanigeras cum tranquillissima Matres
Nunquam enixa prius fatum sine labe niualem
Lilioque candicante candidum magis dedit
Acrius intentis dum spectat lilia ocellis.
Amplius hoc etiam: depasci lilia cepit.
Editus agriculus, quodque admiraberis vnum,
Non illum mater, Matrem pascebat ab illis.*

Men. *Virginis est soboles, quæ tantum pascitur inter
Lilia. adest agnus, certo qui sedere terris
Sydera conciliet. Virgo cui dona paratis
Diuini generis puerum feliciter edet,
Sanguinis & nostri: sumetque à prole nitorem.
Scilicet, è Calo Gabriel cum lilia promet
Concepisse volet, cum fatu habitura pudorem.*

Daph. *Pudor est morari hic amplius.*

Amyn. *Et stultus pudor est, non limen adire salutis,
Occludi & terris ubi iam referatur Olympus*

Da. Am. *Hinc agite ad Dominam.*

1. Pom. *Sed prius hoc repera. Sexcentum medica mala
Aurea mala, inquam, Domina legisse volebam:
Colligo ubi hæc septem, atque alia hæc ubi colligo septem
Nullum præterea licuit mihi vellere germen,
Nec mihi, nec Lycide (Lycidas & viribus ipsum
Vinceret Alcidem) quin & sunt dulcia septem,
Acria sunt septem, plura hinc rapuisse nequiu.*

Men. *Acria si septem, septem sunt dulcia mala,
Auguror hinc fieri. Numero septemplique constat
Pulchritudo expleta rerum, & optimi absolutio:
Ergo quòd Virago amandi culmen extremum premat.
Per contraria fata migrabit
Tacta septeno dolore, gaudio & septemplique.*

Amyn. *Dolor est morari hic amplius.*

Daph. *Et satius dolor est: Diua inter gaudia furtim
Viuerè cum possis, misero conuiuere vulgo.*

Am. Da. *Protinus ad Dominam.*

2. Virid. *Sed prius euulga hoc nobis. Ego in ordine primus*